

Ro Ki Petrus Ta Iwe Ru Pa

¹ Nio Simon Petrus, mbesoonjo mi ngonjana ki Yesu Krisi.

Anbeede ro ti ima piom wal tau kakam urlanjana nonoono raraate kembei ta niam na. Urlanjana tiom tana, mbulu ndeenjanana ki Yesu Krisi ta Anutu kiti mi ulaanja kiti na, ina iwe zaala piom ma kakam.✧

² Niom tina ku'urur leleyom pa Anutu kiti mi Merere kiti Yesu, mi kuute kat zin. Ngar tiom tana ko iwe zaala piom be kampejana mi mbotjana ambainjana ta Anutu ikamam piti na, izze tiom ma biibi. Nonoono.

Mbulu pakan tabe takam, to bobi ki Anutu iur nonoono piti

³ Iti tomtom ta tuur lelende pa Krisi mi tuute kati na, ni itunu mburaana ikam lende koron ambaimbaijan boozomen kek, bekena iuulu iti ma takam mbotjana kini mi mbulu ta ni leleene pa i. Pa Anutu, ni kampejana katuunu, mi zaana biibi pa mburaana mi mbulu kini ndabokjana. Tanata iboobo iti ma tewe lene.

⁴ Mi ipomoozo iti, mi ikam ti ma zanda pa koron bibip mi koron nonoono ta ni imbuk sua pa na. Sua kini mbukjan tina, ina irao be itooro iti ma lelende mi ngar kiti iwe kembei ta ni itunu. Mi itatke iti pa mbulu sananjana ki kulindi ta ikiskis iti tomtom ta tombot su toono ti na, mi ipasansaana iti.✧

✧ **1:1:** Ro 1:12 ✧ **1:4:** Yo 1:12; 2Kor 3:8, 7:1; Ep 4:24; 1Yo 3:2

⁵ Anutu ikam mbulu boozomen tana piti kek, tana kakam kinkiini be keseenge urlañana tiom pa mbulu ambaiñana. Mi mbulu ambaiñana na, keseenge pa ngar ambaiñana. Tana kakam kinkiini be kuute kat Anutu mi sua kini.✠

⁶ Mi ngar tiom tana na, keseenge pa mbulu ki tagabiizi itundu. Mi mbulu tana na, keseenge pa mbulu ki temender mbolñana mi tabaada patañana. Mi mbulu tana na, keseenge pa mbulu ki tomototo Anutu mi tototo mbulu kini.✠

⁷ Mi mbulu tana na, keseenge pa mbulu ki tuur lelende pizin toñmatiziñ kiti ta ki Krisi i. Mi mbulu tana na, keseenge pa mbulu ki tuur lelende pa tomtom ta boozomen.✠

⁸ Pa sombe mbulu ta boozomen tana izze be imbol piom, inako ngar ta kakamam pa Merere kiti Yesu Krisi na, iur ñonoono ambaimbaiñan boozomen.✠

⁹ Tamen tomtom ta so itoto mbulu tana som, na ni mata pisñana, mi mataana ilala pa koron ki Anutu som, mi mataana mbeleele uraata biibi ta Krisi ikam pini kek na. Uraata ta kembei: Ni ipusi pa sanaana kini ta munju ikamam na.✠

¹⁰ O niom toñmatiziñ tio, Merere ipeikat yom, mi bobi kini ikam yom ma kewe lene kek. Tana kakam kinkiini pa mbulu ta boozomen tana. Naso ituyom kuute kat kembei bobi kini ikam yom kek, mi bobi tana iur ñonoono piom. Mi niom ko irao kotop ma kipizil kat ndemeyom pini na som. Som kat.✠

✠ **1:5:** Ga 5:6; Kol 2:3 ✠ **1:6:** 1Kor 9:25; Ga 5:22+ ✠ **1:7:** 1Tes 3:12; 1Yo 4:21 ✠ **1:8:** Yo 15:2; Tit 3:14 ✠ **1:9:** Ibr 9:14; 1Yo 1:7, 2:9+ ✠ **1:10:** Ibr 3:12,14; 2Pe 3:17

¹¹ Mi kaimer, sombe kelela kar saamba, nako tikam yom ma tau lelen ambai kat piom. Kar tana, Yesu Krisi ta Merere mi ulaaŋa kiti na, kola ikam peeze pa ma alok.

Petrus iso sua pa meeteŋana kini

¹² Nonoono, sua ti, niom kuute lup kek. Pa niom kikiskis sua ŋonoono ma imbol piom. Tamen nio leleŋ be aŋpototo sua tio. Naso motoyom iŋgalŋgal mi kikiskis kat.

¹³⁻¹⁴ Nio aŋute: Molo som to aŋzem beeze tio ta ki toono ti * ma imborene. Pa Merere kiti Yesu Krisi iso yo ta kembei. Tana mazwaana ta so aŋbotmbot men su toono na, aŋre kembei ambai be aŋpeyei ŋgar tiom pa sua ti.✠

¹⁵ Mi nio ko aŋru zaala pakan. Beso aŋzem yom ma iŋgi, tona motoyom iŋgalŋgal sua ta aŋkamam piom. Kokena motoyom mbelelele.

Petrus ire kat Krisi mburaana, tanata ipombolmbol ka sua

¹⁶ Indeeŋe tau amso yom pa Merere kiti Yesu Krisi mburaana mi miiliŋana kini na, amto mbol soroksorok tau wal ŋgarŋan pakan tipakamkaam zin tomtom pa i na som. Niam amre kat mburaana mi azuŋka kini pa motoyam, tanata ampombolmbol ka sua.✠

¹⁷ Pa muŋgu, niam ambotmbot, mi amre Tamanda Anutu ipakuri, mi ikam mburaana ma zaana biibi pini. Mi amleŋ kalŋaana ta imbot lela azuŋka mburaanaŋana ki Anutu leleene ma

* **1:13-14:** Beeze ti, ina Petrus iso pa itunu kuliini. ✠ **1:13-14:** Yo 21:18+; 2Kor 5:1+ ✠ **1:16:** Mt 17:1+; Yo 1:14; 1Kor 1:17, 2:1

ipet, mi iso pini ta kembei: “Ina nio lutuŋ ŋonoono ta leleŋ pini ilip.”✠

¹⁸ Ŋonoono kat. Niamŋan Kriŋi ambotmbot sala abal potomŋana, mi ituyam amleŋ kat Anutu kalŋaana ta imbot saamba mi isu.✠

Sua ta muŋgu Anutu kwoono bizin tibeede se ro na, iti bela tikiskis mi tototo

¹⁹ Mbulu boozomen ta ipet pa Yesu na, ipombol yam ma amurla kat ta kembei: Sua ta muŋgu Anutu kwoono bizin tibeede se ro na, sua ŋonoono men. Tana niom sombe kikiskis sua kizin mi kototo, mi ila ila ma irao pitik Birae † pok ma ise, mi iur mat pa leleyom, inako ambai. Pa sua kizin, ina kembei kai ta iyaryaara lela zugut leleene.✠

²⁰ Mi kere. Koron ta, ta biibi kat. Tana kakam kat ŋgar pa. Merere sua kini ta muŋgu kwoono bizin tiso mi tibeede se ro na, suruunu sa ipet pa tomtom zitun ŋgar kizin som.

²¹ Pa zitun lelen mi tiso sua tana som. Ina Bubunana Potomŋana ta isalakaala zin, mi ikam zin ma tiso Anutu sua kini, kembei ta miiri isala woonŋo lejana, mi ipusuk ma ila.✠

2

Petrus isope zin pizin wal pakamkaamŋan

¹ Muŋgu zin Israel, tomtom kizin pakan tiso tiwe Anutu kwoono, mi tipakamkaam zin pa sua ki Merere. Mi mbulu raraate men ko ipet piom tomini. Tana kere yom. Pa tomtom tiom pakan

✠ **1:17:** Mt 17:5 ✠ **1:18:** Mt 17:1+ † **1:19:** Pitik Birae, ina imender pa Kriŋi mi miilŋana kini. Re Tur 22:16 mi Nam 24:17.

✠ **1:19:** Mbo 119:105; Yo 5:35; Tur 22:16 ✠ **1:21:** Nŋo 1:16, 3:18; 2Tim 3:16; 1Pe 1:10+

kola timanġa, mi tipasaana urlanġana kizin tomtom pa sua kizin pakaamġana tabe ipa ndel pa sua nġonoono i. Uraata kizin tana, zin ko tikam ki keġana. Mi Merere kizin ta ingiimi zin ma tiwe lene na, zin ko tipizil ndemen pini. Tana ko tikamam mbulu tana, mi molo som to Merere iur kadoono pizin karau men ma tila len. ✧

² Tomtom boozomen ko titop la kizin mi tito zin pa mbulu kizin sananġana. Mi mbulu kizin ko kembei ta me ma nġe. Tabe iti takam, so kanda miaġ biibi kat. Tana zin ko tikam ma tomtom boozomen tipiri sua repiiliġana pa zaala ki sua nġonoono. ✧

³ Mi zin matan koronġan. Tana ko tipakaam yom pa sua soroksorok ta ipet pa zitun nġar kizin, bekena tiwatke len pat tiom. Kadoono tabe ise kizin na, Anutu leleene iur pa, mi iso ka sua ta muġgu kek. Ni ko ipasaana zin ma tila len. Kadoono tana imbotmbot, mi izza zin a. ✧

Anutu iurur kadoono pa mbulu sananġana

⁴ Pa kere. Zin aġela ta muġgu tikam sanaana na, Anutu ileele zin? Som. Ipiri zin sula kar sanaana ta zugut muriini na, bekena timbot mi tinamnaama nol tabe iur kat kadoono pizin i. ✧

⁵ Mi zin wal ta muġgu timbot su toono, mi tito zaala ki Anutu som na, zin ta kembena. Anutu ileele zin som, mi ikam nonor biibi ma ipet, mi ipambiriizi zin lup. Mi Noa ta izzoyaryaara sua

✧ **2:1:** Mt 24:11; Nġo 20:29+; 1Tim 4:1+; 2Tim 3:1+; Yud 4 ✧ **2:2:** 2Tim 4:3 ✧ **2:3:** Ro 16:18; 1Tes 2:5; 1Tim 6:5; Tit 1:11 ✧ **2:4:** Yo 8:44; 1Yo 3:8; Yud 6; Tur 12:7+, 20:2+

pizin tomtom pa mbulu ndeenɛɛɛna na, Anutu ikamke i raama wal kini lamata mi ru tomen. ☆

⁶ Mi kar Sodom ma Gomora tomini. Anutu iur kadoono pizin, mi ikam ma you ikan zin ma tiwe kokou men. Tana zin tiwe kin pa mbulu tabe ipet pizin wal tau titoto zaala kini som na. ☆

⁷ Mi Lot na, Anutu ikamke i. Pa ni tomtom ndeenɛɛɛna, mi leleene ipata kat pa mbulu sananɛɛɛna ki kar ru tina. Pa zin tizorzooro mi tikamam mbulu kizin me ma nge tabe iti takam, so kanda mianɛɛ biibi pa. ☆

⁸ Tomtom ndeenɛɛɛna tana, ni imbotmbot la wal sananɛɛɛna tina mazwan, mi irre mbulu kizin ta tizorzooro na, mi ilenɛɛɛ sua kizin. Tanata ikam ma gorgori imbotmbot raama leleene ipata kat. ☆

⁹ Mbulu boozomen tana ipaute iti ta kembei: Zin wal ta so titoto zaala ki Anutu, sombe toomboɛɛɛna ise kizin, na Merere, ni irao kat be ikamke zin pa toomboɛɛɛna tana. Mi zin wal ta so tikamam mbulu ndeenɛɛɛna som, na ra, tembel zin kek. Tirao be tiko pa Anutu na som. Ni iurur kadoono pizin mi ila ila ma irao nol biibi ki mbenɛɛ kaimer, to ikam kat kadoono pizin. ☆

Mbulu kizin wal pakamkaamɛɛɛna

¹⁰ Sua tana indeene kat zin wal pakamkaamɛɛɛna ta titoto zitun lelen sananɛɛɛna ta ki toono i, mi tikamam mbulu kizin me ma nge. Wal tana tipakurkur zitun, mi tirepilpiili Anutu mi zin

☆ **2:5:** Un 7, 8; Ibr 11:7 ☆ **2:6:** Un 19; Yud 7 ☆ **2:7:** Un 19:1+
 ☆ **2:8:** Mbo 119:158 ☆ **2:9:** Mbo 34:17+; Ro 1:18; 1Kor 10:13; Tur 3:10

peeze kan kini. Mi timototo kosa sa som. Tiwirri sua sananꝓana pizin aꝓela ta zanꝓan mi mburanꝓan na. ☆

¹¹ Mi zin aꝓela ta mburan bibip ma tilip kat pizin wal pakamkaamꝓan tana na, irao tingal sua pa wal tana isu Merere kereene uunu na som. ☆

¹² Tamen wal tana tikam kat ngar sa som. Tanata tiwirri sorok sua repiiliꝓana pa koronꝓ ta zitun tikankaana pa. Zin kembei buzur saꝓsaꝓꝓan ta len ngar somꝓan i. Sombe ngar sananꝓana sa ipet pizin, na tila men. Zin kembei buzur ta timbotmbot toono be tomtom tipun zin ma tikan. Tana zin ko tila len kembei ta zin buzur. ☆

¹³ Zin tinoknok mbulu sananꝓana, tana ko tikam len kadoono sananꝓana. Kere. Zin tiwinin mi tikamam mbulu bozboozo isu mat keteene. Kan mianꝓ som. Pa kulin imet pa kek, mi lelen pa ilip. Mbulu ta tikamam na, iꝓgeeze pa Anutu mataana som kat. Tamen zin menmeen zin biibi pa pakaamꝓana ta tikamam na. Tana sombe tigaaba yom ma niomꝓan kulup yom pa kini kanꝓana mi sunꝓana, na tipasansaana lupꝓana tiom mi tipamianꝓ yom. ☆

¹⁴ Zin tizemzem sanaana kamꝓana som. Pa matan meꝓan. Mi zin wal ta urlaꝓana kizin imbol zen na, wal tana tiyaryaaru zin ma tikamam sanaana. Mbulu ki matanda koronꝓanda na, zin tinoknok, tabe tirao pa kat. Tana Anutu kete malmalꝓana kini imbotmbot se kizin.

¹⁵⁻¹⁶ Pa tizem zaala ambaiꝓana kek. Mbulu kizin na, kembei ta mbulu ki Beor lutuunu Biliam. Biliam tina, muꝓgu ni iwe Anutu kwoono.

☆ **2:10:** Yud 4,7+ ☆ **2:11:** Yud 9 ☆ **2:12:** Yud 10 ☆ **2:13:** Ro 13:13; 1Kor 11:20+; Pil 3:19; Yud 12

Tamen leleene pa pat ilip, tanata iso ikam mbulu sananꝓana bekena ikam le pat. Iti tuute: Doꝓki, ina irao iso sua som. Tamen Anutu ikam ma doꝓki ki Biliam iso sua kembei ta tomtom. Mi doꝓki kini iyaambi pa mbulu kini sananꝓana, tabe ni izem ngar kini kankaananꝓana tana. ✧

¹⁷ Zin wal ta tiso tipakaam yom na, sua kizin nono somꝓana. Zin kembei yok lepeene ta zoꝓ ikam ma imaaga kek. Mi zin kembei miiri tieene ta tere ma toso ko yaꝓ isu, mi som. Miiri ikam ma ila ne. Tana Anutu, ni iurpe len lele ndabokꝓana kek be timbot pa. Lele tana na, zugut mandin muriini. ✧

¹⁸ Pa tipakurkur zitun pa sua kizin ta nono somꝓana i, mi tipeyei ngar kizin tomtom pa mbulu sananꝓan boozomen ta ki kulin i. Tana wal popoꝓan tau tikamam be tizem zin wal ta tizor-zooro sua nonoona na, wal pakamkaamꝓan tana tiyaryaaru zin ma timilmili mini. ✧

¹⁹ Wal sananꝓan tina tizzo ta kembei: “Niom koso koto yam, na kosa sa ko irao ipakaala yom mini na som. Ko karao be koto ituyom leleyom pa koron ta boozomen.” Tamen zitun tiwe mbesoꝓo sorok pa mbulu sananꝓana ta tikamam na. Pa sombe koron sa imborro iti, na iti tewe mbesoꝓo pa koron tana kek. ✧

²⁰ Wal tana ra, tembel zin kek. Pa sombe tomtom sa iute Merere mi ulaaꝓa kiti Yesu Krisi, mi izem mbulu sananꝓana ki toono ti kek, to kaimer isu mini, mi mbulu sananꝓana ikaukau i ma iloli, na

✧ **2:15-16:** Nam 22:4+; Yud 11; Tur 2:14 ✧ **2:17:** Yud 12+

✧ **2:18:** Yud 16 ✧ **2:19:** Yo 8:34; Ro 6:16; 1Pe 2:16

ni ko isaana kat. Mun̄gu na ambai ri. Mi buri na, in̄gi be isaana ma isaana kat. ✧

²¹ Wal ta kembei tiute zaala ndeen̄jana ki Anutu som, so ndabok. Mi in̄gi tiute kek. Tamen tisu mini mi tipizil ndemen pa tutu potom̄jana ta tilen̄ mi tikan la kek na. Tana ra, tembel zin kek. ✧

²² Mbulu kizin indeen̄e kat sua ru ta gorgori tozzo i: “Me ilulu, to imiili ma ikan lulūjana mini. Mi n̄ge ta kembena. Sombe kuliini in̄geeze, nako imiili ma ila ipunzubup mini.” ✧

3

Merere izwar som. Nol biibi ki mben̄ kaimer kola ipet

¹ O niom wal tio, in̄gi ro tio ta iwe ru pa, ta an̄beede ima piom i. Ro tio ru na, kan un tamen ta kembei: An̄so an̄pei n̄gar ambain̄jana piom.

² Naso motoyom in̄gal sua ta mun̄gu Anutu kwoono bizin potom̄jan tiso na, mi kikiskis tutu ta Merere mi ulaan̄a kiti iur piti na. Tutu tana, zin n̄gojan̄a kini tiso ma kelen̄ kek. ✧

³ Mi kere. Koron̄ biibi tabe niom kakam n̄gar pa, ina ta kembei: Mazwaana kaimer kana iso ipet, to tomtom kola titoto zitun lelen sanan̄jan, mi tikamam sua repiilin̄jana pa Merere. ✧

⁴ Ko tizzo ta kembei: “Lak, sua ta Krisi imbuk be imiili ma imar mini na, imar kek? Indeen̄e ta tumbundu bizin mi imar na, kosa sa itooro

✧ **2:20:** Mt 12:45; Ibr 6:4+; 1Yo 2:16 ✧ **2:21:** Lu 12:47+; Yo 9:41

✧ **2:22:** Tut 26:11 ✧ **3:2:** Yud 17 ✧ **3:3:** 1Tim 4:1+; 2Tim 3:1+; Yud 18

som. Koronj ta boozomen imbotmbot raraate men kembei ta Anutu iur zin ta mata popoten na.” ☆

⁵⁻⁶ Mi zin tiute kek. Munju kat, Anutu iso sua men, mi saamba ma toono ipet. Mi yok ikam uraata pa toono mi ikel, tabe toono ise mat, mi yok imbot meleebe. Mi kaimer ma nonor biibi ipet, to ilol toono munjuana tana ma ipasaana kat. Tamen wal pakamkaamjan tana lelen be tikam ngar pa mbulu tina som. ☆

⁷ Mi koozi na, sua ki Anutu ta ikiskis saamba mi toono ma timbotmbot. Mi ni kola ikiskis zin ma ila irao nol biibi ipet, to you biibi ikan zin. Nol tana isombe ipet, to Anutu kola iur kadoono pizin wal tau titoto zaala kini som na, mi ipasaana zin ma tila len. ☆

⁸ Mi niom wal tio, motoyom ingal koronj ta ti. Merere, ni ire aigule ta, ina kembei ta ndaama munjaana ta (1,000). Mi ndaama munjaana ta, ina kembei ta aigule ta. Ziru raraate men pa ni mataana. ☆

⁹ Tamen tomtom pakan tikam ngar sorok ma tizzo ta kembei: Merere, ni inaunau pa sua kini mbukjana be ikam ma iur nonoono. Tamen som. Ni iurur kadoono pizin tomtom karau som, mi inamnaama paso, leleene be tomtom ta boozomen titooro lelen. Kokena tasa ila lene. ☆

¹⁰ Nol biibi ki Merere, ina ko ipamurur ti kembei ta tomtom kuumbujana. To saamba imap raama kaljana biibi, mi you ikan koronj boozomen ta timbotmbot sala manajaanana na, ma tila len lup.

☆ **3:4:** Yesa 5:19; Mt 24:48 ☆ **3:5-6:** Un 1:1,6, 7:11,21; Mbo 33:6; Kol 1:17; Ibr 11:3 ☆ **3:7:** Mbo 102:26+; Mt 25:41; 2Tes 1:7+
 ☆ **3:8:** Mbo 90:4 ☆ **3:9:** Ro 2:4; 1Tim 2:4; Ibr 10:37; 1Pe 3:20

Mi toono ramaki koron boozomen ta timbot pa na tomini, you ko ikan ma imap ma ila ne. ✧

Tuurpe itundu mi tazza nol biibi

¹¹⁻¹² Tana kakam kat ngar. Sombe koron ta boozomen kola tila len lup, na niom be kakamam so mbulu i? Bela kewe potomņoyom, kototo Anutu zaala kini, kazza nol kini, mi motoyom siņsiņ pa uruunu ambaiņana soyaaraņana. Naso kakam ma nol tana ipet karau. Nol tana isombe ipet, to you bilbilņana kola ikan saamba ma ila lene, mi ikam ma koron boozomen ta timbot sala maņaanaņana na, tireere mi timap ma tila len lup. ✧

¹³ Mi iti matanda iņgalņgal sua mbukņana ki Anutu, tanata tu'urur matanda pa saamba ma toono popoņan tabe tipet pa kaimer i. Saamba ma toono popoņana tina na, wal ndeeņeņan men ta ko timbotmbot pa. ✧

¹⁴ O niom wal tio, mazwaana ta kombotmbot mi kazza mbulu ta boozomen tana be tipet na, kakam kinkiini be kuurpe mbulu tiom ta boozomen ma iņgeeze pa Anutu mataana. Naso leyom uunu sa isaana som, mi niomņan Anutu kaparlup yom ma kewe tamen. ✧

¹⁵ Tana mbulu ki Merere ta iurur kadoono piti karau som, mi inamnaama iti na, kakam kat ngar pa. Ina, ni ikamam ta kembei paso, leleene be imuņai iti mi ikamke iti. Motoyom iņgal sua ki toņmatiziņ kiti Paulus ta lelende pini ilip na. Ni,

✧ **3:10:** Mt 24:29,35,43; 1Tes 5:2+; Tur 16:15, 20:11 ✧ **3:11-12:** Mbo 50:3; Lu 12:36, 21:36; Tit 2:13 ✧ **3:13:** Tur 21:1, 21:27

✧ **3:14:** 1Kor 1:7; Pil 1:10; 1Tes 3:13

Anutu ikam le ngar biibi. Mi sua ta ni ibeede piom na, ka ngar raraate men tau. ✧

¹⁶ Pa ro kini ta boozomen tizzo pa muɲaiɲana ki Anutu. Nonoono, sua pakan ta ni ibeede se ro, ina ipata piti be takam kat ngar pa. Tanata zin wal ta len ngar biibi som, mi urlaɲana kizin imbol som na, tipinɲisɲis sua kini kembei ta tikamam pa Anutu sua kini pakan ta tibeede se ro na. Mi ina tiwe uunu pa zitun be tisaana ma tila len. ✧

¹⁷ O niom wal tio, mbulu ta boozomen tana kola ipet pa kaimer. Mi inɲi aɲpaute yom pa ma kuute kek. Krisi, ni ikam yom ma kemender mbolɲana kek. Mi motoyom inɲalɲal ituyom. Kokena zin wal zorzooroɲan tiyaaru yom pa pakaamɲana kizin, to kotop mi kipizil ndemeyom pini. ✧

¹⁸ Yesu Krisi, ni Merere kiti mi ulaɲa kiti. Kakam kinkiini be kuute kati mi kampeɲana kini, mibe ngar tiom tana ize ma iwe biibi. ✧

Iti tapakur ni zaana ta buri, mi iseɲɲe iseɲɲe ma ila. Nonoono.

✧ **3:15:** Ro 2:4 ✧ **3:16:** Ro 10:3 ✧ **3:17:** Mk 13:5,23,33

✧ **3:18:** 1Pe 2:2

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 18 Apr 2025 from source files dated 31 Aug 2023

a815c47a-4c36-5240-a396-70cbd5e9b593